



Qafar Ummattah Party

Afar People's Party

Maybalaalaqà Agda-baxisso 09,2018

### **Ganuunuk iroh Rashiid Salicit yekke axaw wagsisaak**

Naharsi malaak Dr. Abiyi Acmad mango xagana Itiyobiyah xayloh elle culekel, Qafar Ummattah Parti Rashiid Saalicit yekkeh yan afduub Qafar ummatta kee Galli mara hanggi kah yaceem faxximtam kassissa.

Samara jaamiqatal taamitak suge gifta Rashiid Saalic affara alsaak naharat ayti buxa seewah kaa beyteeh, away elle yanikke kaak matamixxiga. Gifta Rashiid Saalic kaxxam meqe mariinol yamixxigeeh, uma'adooba kee samara jaamiqatih korkorsa sadak suge. Oytitte elle tascassennal kaat yekke axaw kaxxa garabluk 29, 2016 ih Samara jaamiqatak uwwayti qarit gexxe girah oytit axawah ane kal maraqa. Ta giray jaamiqatak adda xiinisso elle taamittah tan uma'adobaak ugutak qarwat gexxeh sugtek ugut jaamiqat xiinisso darraqoysak baajet garqa elle aboonu duudan bicak sugte.

Nummah Gifta Rashiid Saalic baahem yellek kay caagid ganuun gital wagtaanam faxximta. Kaaduk taham fan kaal geytimtem ane waytaamih sabbatah, currik yawqeemih cakki le. Kay buxah mari baxa'abaxsa le anggaraw fanteenanil, VoA Amcari afih exxa edde anuk yabeenih immay doolat kabuk masquliyat beyya heeh kay caagid celtaamak buxa maral gacseenim matan. Rakaakay polis kay buxah marah elle tescassennal, Gifta Rashiid Saalic fedraal ayti buxah gabat yanim kee tah rakaakay lowsiiisik iro kinni.

Qafar ummattah parti fedraal doolat siyaasa maray casbit sugee kee xaagu qawa cabtuh beyteh tan maaqatta aytikumussaah. Takkay ikkah qafar rakaakayih caddol takke adam baxi cakkih iqtak been maaqatta wagsiisak tahay duma nubleem matan. Qafar rakaakayal sehdat takke baati kee casbitte ganuun gital ma wagtanaay, Qafar rakaakayal takkem baaxoh caddol takku Qaalam caddol matantabba. Gawaaniiy, Samaraay, Awashaay, Abqalaay, kalah tan aroocal ganuun caddol caagid kak wagte ween maritte Casbit tanim tamixxige.

Naharsi malaak ta caagidak adda wagitta baxsa le erga bicisak Qafar rakaakayal adam baxi cakkih caloota celtannak adda wagtaanam kee Gifta Rashiid Saalic edde anuk casbit yan mara sissikuk Yayyaqeenim esserra. Makelaawi gitissoh alif Qafar rakaakayal tan gitisso buxaaxih kas yakkem faxximta. Qusba naharsi malaak baxax kee xakak baahale axcuk qaagitnaah, siyaasa booxa fakak uma'adobat koosittah tan dimokraasi xinto daabisaanam kaaduk qaagitna.



**Qafar Ummattah Party**

**Afar People's Party**

Qafar rakaakayal takke qadaala sinna kaxxa meysi leeh, Itopiya kee Gabuuti yasgalle gitih qaxal cayla le sadi ugussaamak meesitnah, tah kaaduk baaxol kaxxa katla mabbux baahele.

Qafar Ummattah Parti